

Broj: 2054-10/21

Datum: 14.04.2021. godine

Na osnovu člana 69. stav (3) i 70. stav (4) Zakona o javnim nabavkama („Sl. glasnik BiH“, broj 39/14), u postupku javne nabavke usluga: **Izrada glavnih i idejnih projekata za kompleks Objekata Javne ustanove Opća bolnica „Prim.dr.Abdulah Nakaš“ za sve vrste radova: građevinski, mašinski i elektro radovi**, v.d. direktor Javne ustanove Opća bolnica „Prim.dr.Abdulah Nakaš“, je donio

ODLUKU
o poništenju postupka javne nabavke

Član 1.

Poništava se postupak javne nabavke usluga : **Izrada glavnih i idejnih projekata za kompleks Objekata Javne ustanove Opća bolnica „Prim.dr.Abdulah Nakaš“ za sve vrste radova: građevinski, mašinski i elektro radovi**, zbog pogrešne primjene člana 2. (Uslova za primjenu e-aukcije) stav (3) Pravilnika o uslovima i načinu korištenja E-aukcije („Sl. glasnik BiH“, broj 66/16).

Član 2.

Ova Odluka objaviće se na internet stranici Javne ustanove Opća bolnica „Prim.dr.Abdulah Nakaš“ (www.obs.ba), istovremeno sa upućivanjem ponuđačima koji su preuzeli tendersku dokumentaciju sa portala javnih nabavki

Član 3.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: **2054-3/21 od 26.02.2021. godine.**

Javna nabavka je sprovedena putem **konkurentskog zahtjeva za dostavu ponuda**. Procijenjena vrijednost javne nabavke bez PDV-a je **43.000,00 KM**.

Obavještenje o nabavci broj: **1125-7-2-110-3-42/21**, poslato je na objavljivanje dana **08.04.2021.godine**, a objavljeno je na Portalu javnih nabavki dana **08.04.2021.godine**.

Komisija za nabavku, imenovana je Rješenjem broj: **2054-4/21 od 26.02.2021. godine.**

U postupku javne nabavke prilikom izrade tenderske dokumentacije i Obavještenja o nabavci pogrešno je primjenjen član 2 (Uslovi za primjenu e-aukcije) stav (3) Pravilnika o uslovima i načinu korištenja E-aukcije („Sl. glasnik BiH“, broj 66/16).

Ugovorni organ je u Obavještenju o nabavci, kao i u tenderskoj dokumentaciji naveo da za postupak javne nabavke usluga: Izrada glavnih i idejnih projekata za kompleks Objekata Javne ustanove Opća bolnica Prim.dr.Abdulah Nakaš planira provesti E-aukciju u skladu sa kriterijem najniža cijena.

Pravilnikom o uslovima i načinu korištenja E-aukcije u članu 2 (Uslovi za primjenu E-aukcije) stav (3) navedeno je sljedeće: (3) E-aukcija nije moguća ukoliko su predmet nabavke ugovori o uslugama i ugovori o radovima čiji je predmet intelektualni rad, kao što je projektovanje radova, jer se takve ponude ne mogu rangirati primjenom metoda automatskog elektronskog ocjenjivanja. Pošto se radi o nabavci usluga : **Izrada glavnih i idejnih projekata za kompleks Objekata Javne ustanove Opća bolnica „Prim.dr.Abdulah Nakaš“ za sve vrste radova: građevinski, mašinski i elektro radovi**, to jest uslugama ili radovima koji podrazumijevaju intelektualni rad, ocjenjivanje tih usluga/radova ne može se iskazati objektivno, kvantitativno, kroz matematičku formulu. Ugovorni organ je bio izvršio izmjenu Obavještenja o nabavci i tenderske dokumentacije u dijelu izmjene kriterija i istu pokušao da objavi na Portalu javnih nabavki. Portal javnih nabavki ne dozvoljava izmjenu Obavještenja o nabavci u dijelu promjene kriterija za navedeni postupak nabavke usluga.

Imajući u vidu navedeno odlučeno je kao u dispozitivu.

Pripremio:

Kenan Čengić, BA općeg prava – službenik za javne nabavke

Kontrolisale:

Amira Petrović, BA općeg prava - šef Odsjeka za javne nabavke

Amela Smajić - Džaferagić, BA općeg prava, - šef Odjeljenja za zajedničke poslove

V.D. DIREKTOR

Prof. dr.sci med. Ismet Gavrankapetanović

Dostaviti:

- Odjeljenje za ekonomsko-finansijske poslove
- Odsjek za javne nabavke
- Komisija za javne nabavke
- Ponuđači koji su preuzeli tendersku dokumentaciju
- a/a.

